

Schuster Zinse. Am Sontage nach Michaelis bringen die Eldisten der Schuster von XjX Schubucken, von itzlicher jii gl. facit LVjj gl. Davon gibt man jn in den Beutel jj gl. tranggelt.

Item den Gertenern saget der Burgerm. das sie jr feuer bewaren, Vnd die denen die Stadt vorsaget ist, auch fremde Betteler nicht hawsen, sullen, Auch das einer dem andern nicht sal schaden thun.

Der Hammerleuwe Forstgeldt.

Item die hammerleute geben jr forstgeld vff itzlich Quatuortempus. Also das der heubtman vnd der forster zum Pentzk mit jn abrechnen vnd den herren vorzeichent geben, wie viel itzlicher schuldig ist. Das sie dann vff einen tag, wenne jn bescheiden wirth, hirein brengen vnd geben.

Item den hammerleuten würrh jr Forstgeld gerechnet, ye von zweyen fudern kolen eine Schüne eyszen. Adder

Item von entzel fuder kolen, die in die Stat gefurt vnd vorkaufft werden, nympt der Forster zum Pentzk von itzlichem fuder j gl. das er dann vff die Quatuortempora mit dem heuptmann hirein schickt.

Wenne vnd wie man die Zinsze allhie Richt etc.

Item vngeferlich acht tage nach Michaelis, so nun diese vorberuhrten zinsze ermanett sein, pflegen die Cammerer mit dem Stadtschreiber zurechen, Wieviel sie den Priestern vnd andern Leuthen allhier vorsessener Zinsze schuldig sein. Vnd geben alsdann solche zynse dem Vndern Stadschreyber, der sie forder einem itzlichen richtet vnd vberantwort, vnd was jm dorvon tranggelt wurth, das beheldet er vor sich.

Aber wie man den Glewbigern die anderszwo wonen yre zinsze vff Michaelis vnd vff andertage versessen, richtet, Befindet man eigentlich in einem Sextern*) vff Pergamen geschrieben, der do leyt im forder Rathe**) in der Rathstoben.

Forst etzlicher Dörffer, die der heyden an dorran holtze, hutweide etc. zugebrauchen.

Honig Zinsz von der Stadheyden vnd Zeydelweiden. etc.

Wenn man der Stad Wilkuhr pflegt zulesen.

Den nehsten Dinstag nach Sanct Gallen tag, pfeget man der Stad Wilkurn zulesen: also, das die Eldisten Herrn mit dem Stadschreyber die vbersehn adder leszen lassen. Vnd so sie ichts doran abethun, zusetzen adder verwandeln wullen: Das lassen sie durch den Vnderstadschreiber, dem Eldisten herrn, der disz jar feyert, den abend zuvor verkündigen.

Vnd vff den morgen beschlissen sie das zum irsten mit dem Rathe, dornoch mit Eldisten vnd Geschwornen vnd der gantzen Gemeine, die alle dorzu***) vorbott vnd vffem Sale vorsammelt sein, öffentlich

*) Codex von 6 Blättern. Red.

**) Geräth, Schrein.

***) d. h. Forstzins. Red.